


宣  
集  
詩

冊

PL  
2705  
.E62  
v.1



Digitized by the Internet Archive  
in 2009 with funding from  
Ontario Council of University Libraries



-E62  
v.1

YORK UNIVERSITY  
JUL 03 2001  
EAST ASIAN STUDIES

定巢詞集

明家書

十髮居士全集第五  
甲子元春刊於武昌



定巢詞十卷十髮居士全集之一甯鄉程文子大觀察

所作也源原騷辨合轍風雅頡頏同輩左右數人往則

王

半塘大鶴  
給諫鄭山人

扇其芬存則況

阮盦  
舍人

朱

古薇  
侍郎

嫗其美惟

緣情體物作者攸同行氣驅才成章各異同歸殊轂合

微契妙獨論積健終以推袁丈之於詞少規雙白繼步

二窗含絲邈於小令絃上黃鶯託委婉於長歌春邊雙

燕豪宕疏快閒雜蘇辛猶之鬱感易傷宜振凌雲之氣

絲絲多靡或催解機之聲鵲住鳩啼鳴笳激壯濤驚石

亂儷竹蒼茫及虐劫運身遭蒿廬海隱西臺涕淚北闕

心情賦花外之斜陽吟蟬身世誦于湖之獵火亂馬河



山哀思之音悱惻之意沈摯隱內寄託能出鹿川二卷  
直造於成綜其所製刪勒八卷又附集句聯句各一卷  
妙同蕃錦百衲春葩嫩比城南連璧綺藻乃以善詒麤  
解倚聲命參訂律僭爲讐校以付剞劂矧以其辭旣工  
其人尤重上延道系紹洛水之先風深挾文心合杜陵  
之懇款至於潑墨畫石不羨米家餘事雕蟲印承穆倩  
柳惲了十人難敵一鄭虔擅三今已能倍文詩詞書畫印豈止  
三韓使輅遠攜納容梁之詞七字長城堪奪鄧彌王  
父之席而已癸亥四月旣望江陰謝善詒硯穀父校訖  
並序



題詞

譚仲修

獻

復堂日記曰甯鄉程子大在長沙聯湘社唱

酬如二易何王英英俠少而吾友江夏鄭湛侯以風塵吏蝨其間刻行湘社集子大蠻語集填詞婉密所爲詩才恣不匱趨向亦正光緒辛卯五月

曩夔笙居京師四印齋唱酬無虛日夔笙於詞不輕作恆以一字之工一聲之合痛自刻繩而因以繩余余性嫻漫顧樂甚不爲疲也今夔笙客武昌與子大以詞相切劘子大詞清麗絲至取徑白石樓窻清真而直入溫韋得吾夔笙微尙轉詣以附益之宜庠相得益彰矣子

大郵示十髮盒詞因識數言簡端益念吾夔笙不置王  
鵬運題光緒庚子三月

昔迦陵陳先生蚤歲未嘗博力爲詞至迺哀然大集精  
采橫溢與納蘭長蘆相鼎足由其讀書多故能金碧樓  
臺彈指湧見今子大之於詞亦然特迦陵出之以恣肆  
子大出之以穠摯爲少異耳若夫尺度脗合則更出迦  
陵一頭地昔人有言詞中求詞不如詞外求詞子大閱  
識孤哀用能別吾湘詞派而定一尊比聞子大與況君  
夔笙謀精選已作合以陳君伯弢王君寢湘竝下徵鄙  
詞泊家弟未由之作爲湘中後六子詞與葵園祭酒所



刻前六家竝行余詞於四君無能爲役分鑣清真平睨  
方回愧且幸矣易順鼎記光緒庚子五月

子大先生屬余斟酌詞集余頗有芻蕘之獻迺荷壤流  
不擇一聲一字斟酌靡遺且必互商而後定稿可謂能  
充謙受之量者矣子大詞本精麗近更沈著收五代之  
華藻入南宋之高格周吳可作何以易之庚子餞春前  
五日楚望閣夜譚記此時子大提調荆湖彊學余分斟  
德俄文齋素心晨夕尊酒論文致足樂也玉梅詞人況  
周儀記

余嘗謂清真詞是兩宋關鍵子大勝處酷似清真是不

爲南北宋兩派所囿者同夕又記



題詞

金縷曲

臨桂

王鵬運

幼退

底事堪橫覽乍披圖雲頽海立縱橫奇幻子大有橫覽圖嘯倚  
長風歌變徵一任魚龍悲慘似聞道蓬萊清淺不是才  
人工綺語問壯懷飛動憑誰遣看中有淚珠泣半生  
湖海游踪倦試沈吟煙塵極目寄愁天遠費盡輪蹄多  
少鐵算祇華胥堪戀漫輸與江山題遍老去維摩思面  
壁莽風花都入枯禪觀空中語待君轉

定算記則言



定巢詞集目錄

十髮居士全集第五

卷一 言愁詞上三十五闕

屠維單闕

光緒五年  
十五歲

南歌子 二闕

江城梅花引

巫山一段雲

粉蝶兒

綺羅香

減字木蘭花

踏莎行

浣溪紗

玲瓏四犯

上章執徐

六年

鳳凰臺上憶吹簫

南鄉子

菩薩蠻 二闕

蝶戀花

醉花陰

玲瓏四犯

子夜歌



夜合花

清平樂

喝火令

重光大荒落

七年

菩薩蠻

河傳

釣船笛

八寶妝

鎖廳寒

玉漏遲

浣溪紗 二闕

行香子

綠意

元默敦牂 八年

摸魚子 二闕

金縷曲

謁金門

卷二 言愁詞中三十二闕附錄五闕

高陽臺 二闕

點絳脣



踏莎行

海天濶處

燭影搖紅

八聲甘州

昭陽協洽

九年

閔逢君灘

十年

買陂塘

金縷曲

河傳

鵲橋仙

臨江仙

摸魚兒 二闕

浣溪紗

虞美人

高陽臺

摸魚兒 附錄一闕

旃蒙作噩 十一年

齊天樂 附錄一闕

燭影搖紅 附錄二闕

江城梅花引



玲瓏四犯

貂裘換酒

月華清

沁園春

附錄一闋

望江南 六闋

卷三 言愁詞下二十六闋

多麗

滿庭芳

沁園春

水龍吟

水調歌頭

暗香

長亭怨慢

金縷曲

曲游春

采芣閨茂

十二年仲秋後閨

浣溪紗

四闋

玉樓春

高陽臺

二闋

蘇幕遮



添字漁家傲

買陂塘

大酺

念奴嬌

離亭燕

憶舊游

二闋

木蘭花慢

金縷曲

疆圉大淵獻

十三年

卷四

蠻語詞五十一闋

著雍困敦

十四年

南歌子

醉太平

二闕

點絳脣

喝火令

浣溪紗

八闕

清平樂

二闕

長亭怨慢

摸魚兒

江南好

六闕

菩薩蠻 二闕

百字令

月邊嬌

唐多令

憶舊游

湘春夜月

西子妝

八聲甘州

齊天樂

百字令



蘭陵王

買陂塘

清平樂

屠維赤奮若

十五年

惜紅衣

齊天樂

月華清

水龍吟

翠樓吟

望湘人

天香

綠意

桂枝香

高陽臺

淒涼犯

八聲甘州

過秦樓

念奴嬌

上章龔提格

十六年

卷五

橫覽詞五十闕

重光單閼 十七年

一臺城路

一萼紅

沁園春 二闕

鳳凰臺上憶吹簫

湘春夜月

眉嫵

念奴嬌

金縷曲 二闕

繞佛閣



鷓鴣天

宴清都

滿江紅

買陂塘

齊天樂

長亭怨慢

玉漏遲

卜算子

念奴嬌

長相思

西河

八聲甘州

買陂塘

水龍吟

長亭怨慢

蝶戀花

徵招

水調歌頭

齊天樂

點絳脣

疏簾淡月

玉燭新

永遇樂

清平樂

滿江紅

玲瓏四犯

卜算子

醉太平

念奴嬌

好事近



元默執徐十八年

木蘭花慢

蝶戀花

水調歌頭

祝英臺近

清平樂

買陂塘 三闋

滿庭芳

卷六 石巢詞三十六闋附錄二闋

昭陽大荒落十九年

水龍吟

闕逢敦牂

二十年

旃蒙協洽

二十一年

沁園春

買陂塘

柔兆涓灘

二十二年

臨江仙

徵招

憶秦娥

彊圉作噩

二十三年

十髮居士全集

三集司目

卷一

蝶戀花 二闕

臨江仙

著雍閏茂 二十四年

屠維大淵獻 二十五年

壽樓春

上章困敦 二十六年

清平樂

重光赤奮若 二十七年

齊天樂 二闕

金縷曲 二闕



滿江紅

清平樂 二闋

南歌子

大酺

角招

元默攝提格 二十八年

南浦

菩薩蠻

昭陽單闕 二十九年

同逢執徐 三十年

定集記

士  
一  
居  
川  
國

蘇家大荒落 三十一年

柔兆敦牂 三十一年

疆圉協治 三十三年

鷓鴣天

著雍涸灘三十四年

浣溪紗 三闋 附錄二闋

屠維作噩 宣統元年

蝶戀花

壽樓春

沁園春  
一闋

賀新涼

上章閣茂

二年

水調歌頭

二闕

重九大淵獻

三年

百字令

卷七 鹿川詞上三十一闕

暗香

望海潮

元默困敦

蘭陵王



南柯子

定風波 二闕

水調歌頭 六闕

昭陽赤奮若

東風第一枝

花犯 二闕

疏影

木蘭花慢

絳都春

浣溪紗

握金釵

高陽臺

掃花游

齊天樂

鶯啼序

鷓鴣天

二闋

攤破浣溪紗

四闋

國香慢

闕逢攝提格

旃蒙單闕

卷八 鹿川詞下三十八闕

瑞龍吟

壽樓春 二闕

八歸

西平樂

綺寮怨

倒犯

玉京謠

瑞鶴仙

一萼紅



秉兆執徐

小重山

千秋歲引

紅林擒近

西河

浣溪紗 二闋

疆圉大淵獻

著雍敦牂

屠維協洽

浣溪紗 二闋

減字木蘭花

好事近

上章浔灘

太常引

琴調相思引

巫山一段雲

重光作噩

元默閏茂

減字木蘭花

清平樂

浣溪紗

桃源憶故人

卜算子

西江月

點絳脣

添字漁家傲

思越人

一剪梅

憶秦娥

采桑子



虞美人

元默攝提格

二十八年

洞仙歌

鶯啼序

疆圉協洽

三十三年

金縷曲

四闋

元默困敦

臺城路

浪淘沙慢

水調歌頭

梁兆執徐

臨江仙 八闋

浣溪紗 三闋

都十卷綜詞三百八十闋

定巢詞集目錄

卷一

鹿川集

定巢詞集目錄



定巢詞集卷一

言愁詞



甯鄉程頌萬子大箸

南歌子

花影窺簾碎芳魂入鏡招小樓西角  
蟬牆高閒恨月明無路接藍橋  
肺病香薰少腸迴酒未消舊窗消息誤  
櫻桃偏向紅邊結子對芭蕉

又

扶病簾初揭留熏被半溫調鸚淡  
竝卻迴身不分紫藤花下別開門  
煙視移羅薦雲容帶枕痕稱銷還有幾  
多魂來與薄情涼月鬪黃昏

江城梅花引

橫塘雙槳掠秋蘋。盪愁根。剪愁根。艇子暫來關角認。鐙  
痕貪築小樓臨。水住舊時月。一宵宵。早到門。閉門閉  
門理殘薰。衣尙溫。被尙溫。別也別也別。不語重。費溫存。  
記取牕前梅發見。歸人無恙一枝還。戴否應不共翠禽。  
啼過卻春。

巫山一段雲

月印栖鴛徑。煙分觸畫紗。病餘春困賭天斜。瘦減一分  
花。門掩枇杷樹。春藏燕子家。竟無尋處抵天涯。況被  
曉雲遮。

粉蝶兒

雨中對花

曉起房櫳絲魂又隨春去  
茜牕邊蝶衣慵補掩啼妝迴  
慢臉半饒春注就枝頭涓滴是天分與  
舞紅一架狂心暗摧張緒蠹箋閒寵蠻題素甚殘陽猶戀著最高花  
樹泣東風櫻拆驀和鶉語

綺羅香

燈花

煥映銅荷光催玉葉那角青樓低院酒醒人慵解事小  
鬢遲剪羅幃鑒巧笑情深鈿臺移落煤痕淺早關防艷



不禁風茜紗畫格內重掩 蛾飛翻自恨晚貪浴蘭膏  
近底花應同願蟾子釵梁怕掣翠簪纖腕簇珠檠絳雪  
春融裏金粟綵雲風顫結相思一點多情賺儂鰥病眼  
減字木蘭花

碧櫳如水無奈夜長慵不睡睡了還醒直許聽雞到五  
更 風搓柳帶撩夢不知人住在只隔中門見月無多  
那見魂

踏莎行

箭比斜陽鍼穿小雨夢中蝴蝶緣花去量愁莫過瘦西  
湖月明風定無尋處 半寄仙庵半沉吟嶼忍春誰向

低簾顧深重淚墨小屏山一般添畫相思樹

浣溪紗

腸斷歸時爲細腰綠楊深處數紅橋東風不度玉人簫  
曲榭浣花情脈脈畫樓穿夢碧迢迢夕陽如雨漲春  
潮

玲瓏四犯

和易中實

一葉眉分翠樹滿天涯吹絮多少賸碧苔廊剗徑屨痕  
將老樓外細雨籠愁裏繡被那知昏曉盼閨春先閨蘭  
夜商略背燈詞稿茜牕頻貼相思句印殘茸口脂香

小才鬆窄扣分斜  
幔饑鼠窺人惱  
回望半尺畫屏渾睡  
穩  
狸奴清悄  
驀幾回拭枕更番  
撩帕沒人知道

鳳凰臺上憶吹簫

落紅怨

波臉勻情恨  
眉攢語倚妝慵  
自題紅念斷  
魂襟佩千里  
芳叢徙倚  
玉闌凝睇  
餘香罨寸角  
衣風分飛  
更冥濛雨  
外澹沲煙中  
匆匆怕歌金縷  
長記取尊前  
觚養瓶供  
問芳鄰  
何在流水西東  
半被斜陽黏住  
青苔褥暖  
襯蒙茸  
厭厭思驚塵暗  
迴卷上郎驄

南鄉子



簾幙已如煙容易西南月下弦翻道不會相見好厭厭  
見後無歡是枉然小字寫娟娟付與藏頭未解憐豈  
寇十三樓十二翩翩還上吳江蚱蜢船

菩薩蠻

兩重樓柱相思木兩頭月子西南屋冰透鏤金鞦夜深  
來不來中庭風露冷乍逼簾衣緊低放剪刀聲知卿  
無那情

又

紫綃衫子青裙褶月明花影傷心白私倚小樓前雁聲  
寒一天三更更漏急剗襪階前立淚海一身藏防身



變海棠

蝶戀花

有暇東風多困柳，着意腰纖不定人。非舊葉底乳鶯聲。  
乍溜憑伊學語，將春咒。月賺歡來留未久。淚浣鮫綃。  
背倚屏山後，退粉輕翎絨袖口。更衣特地春寒瘦。

醉花陰

舊恨新眉描不盡，坐起推妝鏡。小步折迴廊，星底春魂  
暗蝕蒼苔徑。西樓涼月誰同凭，祇玉梅疏影。衣薄忍  
留連，低抹闌干，可似前宵冷。

玲瓏四犯

蓬牕獨坐和白石韻

浦口斷虹灣頭栖照分襟涼暈如許晚蘋香浴紙一幅  
銷魂句經年鬢凋寄旅渺予懷擁衾慵賦暝色籠醒薄  
寒支病無限倦游苦 遙天暗髡離樹理蓬牕舊曲悽  
絕箏語怕吹龍笛醒噴起前灘雨汀蘭窈窕人何在悵  
遺佩浮沈湘渚濤雪舞詩愁被東流捲去

子夜歌

中實寄示紅橋笛語譜此繼聲

拂珠塵綺蘇半面隔斷一簾香霧恁拋散瓊枝如昔尙  
有盪愁煙櫓橋黯歛虹笛殘留月牘曲君能譜絃吟魂

歡不成歸隨在柳眠檻轉且容愁駐  
對鄰巷樓颺夕  
宵艷瞥酒帘低處黃雨吟梅青溪住  
蔣空畫銷魂樹驀  
飄燈近晚秋悲慵趁潮去詞客風流舊河山在拚許閑  
情賦暗驚迴孤枕宵闌玉龍哀語

夜合花

題病起美人

小膽牕虛長眉鏡掩畫成倻憊聰明窺櫳苦雨寒在畏  
滴餘聲遲藥裏背蘭檠怕粉絲兜淚難晴儘伊思夢扶  
頭半晌應記零星  
春池皺不干卿量比金盆水窄可  
稱鴛盟煙蛾倦洗蝶魂猶顛釵莖樓絮冒檻花零更小



桃蹠啞流鶯心事拋針眼波紫篆底爲瓏玲

清平樂

夜薰忘理忽地和衣睡脈脈餘愁籠半臂帳外燭人雙  
淚魂搖半側闌干愁侵半疊屏山耐盡一宵明白梨  
花庭院深寒

喝火令

霧重仍迷質雲行儻再逢歡期約略舊牆東一倍海棠  
幽怨鏡檻泣愁紅酒醒黃昏後人來小院中夜寒香  
軟薄羅重記得小鬟低語下簾櫳記得小鬟低語簾外  
月如弓



菩薩蠻

閒雲裏住春無縫冥濛天地都如夢六曲小屏山梨花  
深度寒 鈿頭金雀翠曉揭簾垂地池上好風吹落花  
香滿衣

河傳

春冷人病夢無情樓歇歌聲雨聲燭花夜涼三四更遲  
明嚮匳如有星 嬾架頑盆分檻轉簾乍卷花淚方承  
臉落無多挂無何風傴忍看隨去波

釣船笛

雙槳似江南少了桃根桃葉催醒暮江詩思畫鷗天涼

白棹回尋夢柳橋陰痕盪一窩雪誰檢青衫揉淚化  
桃花顏色

八寶妝

屏風和張雨珊丈韻按陳君衡八寶妝詞與吳  
君特新鴈過妝樓張叔夏瑤臺聚八仙調本相  
合而平仄小異惟夜如何句屬讀非韻雨翁詞  
煙字叶韻與陳詞未合易之

峰摺迴環春漸曉連夕敵住輕寒暫時中隔穿過燕子  
翩翩錦句題將新畫本雀釵錯墜小簾閒鎮無聊遠眉  
瘦損空悵蓬山誰家妓衣見惜記有人暗裏擁髻偷

看燭影深移跬步便隔人天畫簷低籠石月又何處尋  
他雙翠鬟迷藏候祇襪羅香近雲母旁邊

鎖牕寒

風鈴和雨珊丈韻

警柝支廊殘壺咽箭薄寒深宇簷鈴賸魄一例斷愁分  
付顧空階淒清未休那回似共離人語悵繫花伴侶黃  
昏闌北怯移纖步前度風過平處指鐵馬危譙暝煙  
悄護郎當別棧賺破旅懷如許怕宵來燈燼夢涼院中  
替戰蕉葉雨最那堪訴盡鄉心解惜人歸暮

玉漏遲



機杼和雨珊丈韻

銀河天近晚珠櫳未上一痕波淺弄影纖纖逗響幾停  
金釧綰定情絲萬縷怕暗裏迴腸銷倦聲乍轉紫香曳  
恨似伊絲軟寄將絕塞流黃正夢覓鴛機鴈邊秋遠  
乙乙添寒爭怪露涼酥腕渾是殘絨唾濕料窄袖風簾  
齊卷人不見鄰砧又催煙段

浣溪紗

得得濃妝唱惱公斷腸聲裏別匆匆有潮無信到樓東  
一樣簾櫳楊柳月幾條門巷落花風忍春長是病愁  
中



又

已慣春醒帶海棠繡屏東畔卸慵妝小鄰還是捉迷藏  
裁寄鸞牋虛後約貪看鴈柱數排行卻緣風月助淒涼

行香子

暫並風柔吹醒香愁折闌干纔見回頭竹邊倚袖蓮底  
藏鉤似霧籠花雲過月水明樓關山易老星河自澹  
誤歡期量到深秋千絲網結一舸天浮盼大王風中婦  
鏡小姑舟

綠意

德山乾明寺夢緣亭

瀉叢鳴玉鑑小萍溪影過橋全綠窄徑彎環僧夢微涼  
好趁翠陰如屋曲闌干扣秋痕瘦畫不出折枝橫幅有  
美人彈袖頻來念取天寒幽獨坐拂雨餘新篠四圍  
山氣淨石髮初沐露洗琴牀煙羃筠簾驚眼綻籬黃菊  
林根憤度斜陽淺待選石安排棋局悵客游鬢髮蕭疏  
轉憶故園靈麓

摸魚子

春雨

鎮空庭暝雲籠樹閒愁渾在煙幙淒其還助湘絃語閑

了一春妝閣花自落料定有香魂黏在秋千索殘燈鈿  
箔恁無夜無明乍寒乍暖空怨夢魂惡 人天恨一例  
鸞飄鳳泊繁聲休顫簷鐸兕鞋幾夕來花徑芳約爲伊  
耽擱羅袖薄便濕透唬痕怕向闌邊著簾鉤下卻記逗  
響沈沈小樓昨夜與我細商略

又

秋雨

正庭蕉拂簷重葉宵深都爲伊剪遙情水榭吳娘在子  
夜怨歌偷變歸夢遠便隔箇湘櫳也被他敲斷新涼尙  
淺祇燭底鴛幃更初鞋枕一覺倍淒愴 邊愁緊溼了



芙蓉小院鄉心都偏團扇煙騷暝稱西風割吹下樓闌  
一作半簾待捲又墜碧摧黃黏挂梧桐片牆陰那畔賸  
金縷嘯痕青衫酒暈迴映舊苔蘚

金縷曲

花陰被酒

艷魄蕙無地問新來葬花幾冢斷垣煙際客倦秦樓簫  
聲冷吹破人天綠意又舞換當筵羅綺蹴起海紅簾前  
霧怕酒波不撼滄溟起將世界一番洗香消翠損經  
年被浪愁翻鮫宮細步韞塵天咫楚望更留殘春餞相  
約蘭姨桂姊恨不把花旛揉碎閒甚此身渾無著上江

樓獨嘯危闌倚千疊岫萬重水

謁金門

屏山繞溼鏡一天清曉愁似楊枝無力  
羸病來春悄悄  
匳裏長眉未掃闌外落花紅小過社東風  
番著惱簾櫳長下好

定巢詞集卷一

定巢詞集卷二

言愁詞中

甯鄉程頌萬子大箸

高陽臺

沅江舟中二闕

淚尾偷寒潮心警夢小鷗試浴春慵顚顚江郎冷煙又  
換孤蓬前山淺畫眉痕綠儘湘天影事描空最憐伊露  
襪瓊沙剗佩蛟宮嬌窩近客招雲住少閒花萬斛回  
憶東風渴海雌蜺鼓愁飛上巫峰黃陵竹子斑斑血更  
何須添印鵲紅太匆匆萬一無聊來伴癡龍

又



掠燕檣陰彈鳬舵尾春流斷送蘭橈冷浸魚天一枝涼  
月吟簫返魂新柳誇三絕做顰眉淚眼蠻腰繫灣頭縱  
有他生不似虹橋當初喚玉簾衣瞥已心心心上長  
偏愁苗鏡海頽廊居然有箇鸚招過頭風浪年時事待  
萍鷗促上離潮怕橫江萬斛騷情酒薄難消

點絳脣

沾酒低帘桃花絡處樓當面煙絲漫剪搭在闌干畔  
醉拂鞭香徙坐人微倦塵初捲驅風漸遠驄路斜陽綫  
踏莎行

花困遲蘇鶯眠細喘退紅暉記當初見數番嗁鵲樹微

空半妝猶泣。顰脂臉。自在闌干無懷。庭院草香乍近。  
春人遠。不須封帖付斜陽。明年自有歸來燕。

海天闊處

春雲和彥清兄韻

翠尖封斷斜陽見。山樓補闕千缺。猶龍出海。滿身都帶。  
繡窩雲葉。輕欲烘煙淡。疑妨雨。數重紗隔。暫神皋半夜。  
晝開愁界。空明地難留月。怕蹴巫峰仙闕。竟蘭膏楚。  
魂飛越天東障。子曉來偷變。窈娘衣褶。團絮梨花。揉禁。  
柳絮欠些明白。妒紅兒立處。髻鬟鬆了。背東風說。

燭影搖紅



題蔡竟夫江城戀別圖

漸雪寒江一帆低閃天東墨  
暝蓬晴鶴耿相望不挂峰  
頭月幾夕鐙痕檻側拗蒼龍  
橫枝吹裂半樓深貯玉樣  
梅花初分紅白 買戶靈蛛  
網愁無縫相思窄闌干遲  
起鯉魚風雨槳催桃葉那  
更釐春悵夕數前塵萍踪絮  
雪倪迂障子抵似蓬山貯  
君詩魄

八聲甘州

驀禁寒黃柳畫闌邊依依替  
花愁漸春衫浸了滿身黃  
月那角紅樓領取翠簾空  
色如水做春柔釧響支離處  
暗拂瓊鉤 欲犯銀槎無路  
只釵撩雲想屢被風揉記



掌窩脂擘紅暈，潣還留揭籠衣。喘殘鸚鵡等無言扶病立。前頭危橋畔，濛香未醒，慵賦仙游。

買陂塘

聽雨

剪妝紅淚人新聚。珠拋簾外輕雨。燈殘酒醒香樓窄。掠亂鬢絲盈縷。梯小步指院角梨花冷。白濛濛處。癡魂暫  
仁。怪紅透蕉心。綠黏苔髮。驚地與春遇。催歸近冉冉  
荷。舉欲暮。影娥拚照來去。離鸞院落中門底。無質易迷  
香霧。天又曙。漫搵偏慵。衾遮數殘更鼓。繁聲正苦。怕曉  
燕。禁寒梁間語。澀花事枉分付。

金縷曲

蘭

露泣啼珠顫沐晴梅齋頭野意淡和門掩簾底梳風人  
孤坐翩若春濃態遠祇勝日山情難遣鵲國光陰愁如  
瘴指靈均葬處儂曾唁墳幾尺恨深淺年華釀熟春  
留箭誤靈修詞場冶思替描芳怨鬆晚未妨寒凝鍊一  
種悽香冷簷更側影花闌魂扁癡絕曉匿嬋娟色轉光  
風淺笑無人見湘水暈照愁臉

河傳

春曉鶯惱起還遲蜂過棠妝別枝被風剪迴紅一絲相

隨一雙蝴蝶兒 晝永爐添香細 罨人未遠花墅聞尋  
偏乍扶釵暗兜鞋徘徊夜來難出來

鵲橋仙

調箏語澀前裙意懶憔悴甚時還可房櫳一片綠陰沈  
漏斜日鄰牆招我 搗鞋掌上停杯膝上兜底思量拋  
過郎歸若得見儂心似寒食人家無火

臨江仙

慕憶湘春門外柳孤根移種天涯東風吹夢如非花心  
香商鼎篆臂釧楚衣紗 林際斜陽懸不住枉教人戀  
湘霞臉紅眉翠逗些些千絲憑越客一舸信兒家



摸魚兒

荷花生日偕何詩孫胡子寬徐瑞屏蔡竟夫集  
三雅亭

渴虹收一襟涼集蟬鳴如趁風醒蝦鬚半妥羊燈上波  
月掠殘雙影花意肯算結就鷗盟生小齊心性湯盤競  
進漫畚拜深深彎來藕臂簾外倚妝靚靈根濯問是  
何年仙孕如來願力同等布施新有田田葉都作洗兒  
錢認天拭鏡照醉起扶頭鴛並還交頸荷絲繫定恁花  
笑人癡詩宜酒力同在畫闌凭

又

瘦秋香榭社集餞何詩孫蔡竟夫疊前韻

社觴開古坊林下分襟涼思催醒庭前幾葉梧桐墜低  
逐暝鴉過影留未肯怕裂芰焚荷辜負詩情性持杯競  
進更敲韻闌干倚醒樓柱幽想隔花靚平生侶休道  
池魚別孕煙波還是平等歸期莫誤桃花槩漁父扣舷  
能認同擘鏡笑對舞山雞躑躅羞延頸莽聞沼定共小  
別論文中年載酒天闊一牕凭

浣溪紗

拂枕西風罨翠樓起煩纖手下簾鉤待郎回遣五更愁  
預寫新詩添注腳禁持宿酒奈扶頭曙燈紅續可憐



秋

虞美人

縹緲簷牙山徑轉一水明歌院天涵顙玉倚闌干只是  
更無人與說春寒 山山易逐風光老院接王孫草儘  
饒煙翠弄嬌柔不絆馬蹄行處忍回頭

高陽臺

憶梅

殘雪黏簾幽禽占月忍寒偏是黃昏白繚溪橋阿誰更  
倚重門淡妝縹緲無尋處向吟邊卻妬薰芬惱相思宿  
粉零朱慣惜餘盆 嬋娟泣露空山杳問枝南枝北何



許先春側帽衝泥記曾斜絳香痕高花冷眼成追憶  
銀屏低鎖嬌雲儘饒他檻角籬灣分種愁根

摸魚兒

朱竹仙送梅花柏葉

等飄零江南朱十仙源雙棹容住年深慣惱春前鬢怕  
聽閣城絲鼓晴又雨認罨畫斜溪疊嶂桃花路扁舟出  
霧要機向多陰炊還便客同翫錦溫處分明是寒歲  
後凋歎侶枝柯頻飽霜露闌宵宜伴梅花睡茜雪暗堆  
簾戶君記取算載酒江湖惟我堪憐汝停尊按譜賸睡  
碧吟魂衝寒掠暝攪作一庭絮

又附錄

道州

何維樸

詩孫

子大招飲和韻

記來時武陵江上小桃花似紅雨扁舟搖入春煙綠  
惟共白鷗三五閒且住祇一樣韶華前夢無尋處魚  
香筍苦更小閣深燈金迷紙醉羔酒笑朱戶風塵  
外倘遇雞林韻賈相攜倒盡芳醕天涯千古青衫淚  
灑作滿城愁霧花月主讓君與阿蒙並執螯弧舞春  
痕萬縷願綰定飛鴻年年日日重疊印泥絮

齊天樂

人日竹仙招飲六緣館



宮旂遞剪人輕換。攜壺慰伊春。冷淡白浮樽。新黃褪額  
梅。侶仍偕芳俊。簾陰替暝黯。掠破霜絲鬢。邊清影。側帽  
相看。隔花人在去年病。珠塵燈市。又接數厨羹種。脩  
三戶。煙醒檻入新蟾籬。招綠蝶。頻促溪堂風信歸遲漏。  
緊幾鈿約黃昏。嬾尋鴛徑。那更銜泥。故巢拚睡穩。

又 附錄

何維樸

和子大韻贈竟夫歸自塞上

貂裘匹馬皋蘭道。萬山圍向人。冷盾鼻風酸旄頭月。  
落羨煞書生豪俊。蘆醉暝尙疑是關前羣松動影。  
絕塞刀環故人知我酒非病。團團一片明月。恐瓊



樓玉宇仙子驚醒倒盡金卮擊殘銅鉢道是天涯誰  
信柝聲偏緊有十萬紅珠照吾歸徑水調飛來更情  
深韻穩

燭影搖紅

消寒小集賦紅梅

漸老瑤華紺壺深貯柔魂小綺櫳初放嫩寒偏夢覺春  
遲到灑蠟啼妝換了澣脂痕細匳凍曉冷交幽靚禪榻  
溫磨無言延笑絳雪勝風酒人飄去愁多少一分愁  
是一分春醉返寒逋照鏡碧苔廊未掃聘棠穠西簾日  
抱喜神翻譜罷繡思酸倦懷爭道

又 附錄

何維樸

和子大紅梅韻

舉舉亭亭柔枝剛稱花莖小晴痕千縷護欄紗有影  
都評到莫遣相思瘦了倚薰籠和伊拂曉重簾夢轉  
低趁仙鬟水邊濃笑 渦暈黃嬌夜來消去寒多少  
絳唇爭似舊年春自向菱花照可賸香塵未掃恁禁  
持紅愁滿抱玉匳消艷紺唾成冰幾人知道

又 附錄

何維樸

和竟夫疊前韻

記得亭前荷花遮住鶯鶯小干卿何事卻驚飛是處



都尋到剛說秋心倦了又西湖霜濃月曉遠山眉黛  
可似年時臨波微笑幽夢香酣小桃枝上啼鶯少  
管他門外幾分春付與斜暉照只有垂楊翠掃向東  
風推襟送抱者般情致若箇無聊肯和伊道

江城梅花引

瀟湘江水賦於油是人愁是儂愁等是舊時江水合新  
流流盡相思還趁月照江上冷鴛鴦易白頭白頭白  
頭舊情休花半樓香半篝夢也夢也夢不到空搵衾裯  
只恨東風吹遠木蘭舟那日湘紋簾影曾分一剪眼中  
波各自秋



玲瓏四犯

花朝

社鼓助晴心齋封酒消閒春事如許夢穿楊柳月淚泣  
櫻桃雨潘郎鬢凋恨縷情東風剗成飛絮病蝶偎煙瘦  
鶻啼暝空繞曲廊步闌干曉陰歸路問棠梅舊聘通  
債誰補惱他雙燕子沒箇商量語天涯祇有榆錢在儻  
相贈鶯邊行旅拚倦羽腰圍賸新量帶處

貂裘換酒

寒勒花禁雨問歡游幾回攜手浣花晴處徙倚酒家樓  
闌曲消盡袖香微炷指別館櫻桃芳樹料得歸攏閒中

酒茜牕邊燕語人無語新臉暈舊眉嫵  
巧鬟梳倦楊枝舞忽蘭宵淚零殘燭繡鴛慵譜畫舸紅橋明朝路目  
斷芳塵飄去拚回憶舊家庭宇十幅蠻牋無緣寄怕伊  
行難和消魂句宛轉意見時訴

月華清

陳暢九室戴淑卿爲內子畫荷花便面

月暈穿廊雲容澗水倩魂飄斷簾隙細寫生綃化入暝  
煙無迹暗銀塘膩粉吹香伴那日曲闌空碧脈平脈鎖  
含嬌欲墮箇中拙得怯詠西樓素魄賸一縷吟邊茜  
絲霑溼睡熟閒鷗葉底夢痕涼白顫羅衣畫檻風侵裙



不盡可憐顏色翠  
少悵團欒小影花陰遙隔

沁園春

詩孫舍人四十有四初度集三雅亭

四十承平且約尊前玉井量花對古亭  
芳集郭原非野  
麴腸橫注海更無涯  
迴立清狂世登文獻書畫船歸似  
米家顏雲接指神州一髮那是京華  
當筵黯聽琵琶  
怕過翼流光歎似紗  
祝琴歌酒賦謝庭春好鱸香莸熟  
張季何嗟雪白鷗天闊紅鸞舸捧碧  
觴杯兩髻丫爲君  
壽要百年添閨不放尊斜

又 附錄

何維樸



子大二十初度會飲三雅亭和贈

跌宕程郎其氣如雲有筆如花正天中節後命傳猷  
侶幽亭一角在水之涯四面荷香雙拳鷺小已到江  
湖深處家蹲蹲舞乍回頭記我二十年華 旗亭慣  
聽琵琶問墜句何人護碧紗祇而今落拓臣狂誰及  
識君慷慨有酒何嗟雨過天蘇風來月醒樹杪遙山  
露髻了憑闌望悵蘆花人遠扇影秋斜

望江南

江南憶最憶是青溪柳色斷橋雙燕子杏花春水小船  
兒惆悵踏青時

又

江南憶最憶是紅橋水榭四圍闌六曲晴波一折柳千  
條行處教吹簫

又

江南憶最憶是河房曉起鸚呼新客至晚妝人過別船  
忙小閣任清涼

又

江南憶最憶舊宮門冷月紅牆無客到晚潮青殿傍煙  
昏歌舞種愁根

又

定巢詞集卷二  
江南憶最憶酒家樓  
錦旆當門成小市  
銀燈隔座記藏鉤  
往事殢人愁

又

江南憶最憶早春前  
社燕晴回邀笛步  
紙鳶風颺落花天  
白下夢如煙

定巢詞集卷二



定巢詞集卷三

言愁詞下

甯鄉程頌萬子大著

多麗

荷花生日集三雅亭重拾墜歡不無悵惘適竟  
夫自湘中返而予與詩孫又將歸里

夢如煙蘅皋客感依然記銷魂扇颺闌角笑香低障嬋  
娟等飄零滄耕未輟誰得似陶軫無絃膽怯昏黃衣憐  
慘綠被秋扶夢到鷗邊畫一帶相思恨影波底夕陽天  
涼颿起蓼花深港泊箇漁船 灩瑤瓊酒情初況晚屏  
飛浴明蟾悄鴛鴦一雙兒睡病楊柳三兩枝眠妝靚虹

波舞閑江佩水僊爭擲洗兒錢暗幾度就涼槐影風葉  
不驚喧來宵賸稀星數點分黯湘川

滿庭芳

題石頑老人羅炳畫梅石

桃源人字穆卿爲  
瑞皆文學尊人

怪石欹庭凍雲連屋畫裏春在山村瘦筇延想香色斷  
知聞息暖江鄉獨枕溪泉颯齒際寒芬還憑憶東風盪  
夕深閉小樓門仙源規往地多鋤舊月幾換黃昏白  
衣冠近古巖戶封秦不分荷焚芰裂磯頭酌渾忘去垂  
綸逋仙杳靈縑試拂元覽浥清塵

沁園春

偕易六叔由家兄彥清泛舟游嶽有懷中實蜀  
中

尺五南天抵似低蓬再上無多甚比衾殘燭霜悽野析  
翻江亂荻風颭愁窠水縮空靈煙隨欵乃嶽色冥濛墜  
酒波須扶醉到祝融峯頂西望岷嶓南訛亥步平頗  
指日月天門盪似梭正祠遙太一薦分丹桂舟穿木下  
衣結青蘿鴈識峯迴獅緣巖顧待向峒巉辨蚪蝌重陽  
近念故人風雨玉些差歌

水龍吟

登嶽頂是日無雲



火維橫盪青冥斜分一道蓬萊白陣雲燒海雄風卷霧  
壯哉金闕九面占鶻萬帆隨馬渡湖清絕問寺門題後  
開雲幾代天低漾吾杯色石廩芙蓉堆擲咫蒼梧虞  
壇望月神君七二上封重九鞭回逃石謝客平生楚狂  
歌笑去如飛鵲盼神燈遠照嵌崖星斗過天門壁

水調歌頭

送詩孫游吳卽題所書東坡大江東去詞冊

衝膜挂帆葉送子大江東須臾一棹千里秋色盪吳宮  
細數東南生聚長是舳艫連海揮塵困英雄且事米家  
舫滄月領征蓬筆如椽詞如鑄氣如虹登樓自許歌

幄杯底暖天容醉味休輸橄欖餽曲還聞鼓角墨妙經  
坡公何會更相憶嬌首問歸鴻

暗香

舟中寄內武陵

角聲驚驛攬遠汀鴈在平翻沙色浦口眾煙穿暝蓬牕  
亂絲織應是樓頭倦倚斷槎接星河簷滴判此際衫釵  
闌干幽影峭寒偏休憶五更息又曉岸畫屏亂帆離  
立沈霞暗立勾染湘波帶脂溼迴望仙源路杳空寄意  
錦箋書尺黯旅夕淒絕語瘦鴛聽得

長亭怨慢

記春冷畫簾垂處淺笑深攜夕沈慵炷碧釐芳蘭紅心  
空抱蝶魂聚墮釵敲燭才酒醒天微雨並坐尙嫌疏甚  
底事來遲拚去凝伫鎖孤蓬嚮暝斷鴈遠煙衝暮弦  
低月上怕不稱倚窗眉嫵祇此後慘綠衣裳夢相見昏  
黃庭宇伴冷焰殘燈門外栖鴉啼樹

金縷曲

秋試報罷送由父入蜀余亦將還武陵

一夕留君住甚當筵背啼紅燭淚零如雨明日離亭歸  
燕急我亦輕帆別浦那更忍先催君去記取小紅庭院  
裏茜牕邊賸曲飄箏柱都化作斷腸語倦游卻笑盟



鷗誤指千山楓林晚絢古悲啼宇隔着疏簾晴未浣曉  
冷癡魂暫仁度鴈盡天寒何許霜錦四圍闌六曲到臨  
岐併是消魂處空惆悵蜀江暮

曲游春

題雙美人垂釣

溼鏡春愁湧正洗妝初凭風際簾戶眨目西冷數芳蹤  
偏妒竝鴛無語恨逐楊花去在隔水有雲生處罨新晴  
立偏苔嫩應憶細盟南浦底許鶯眠柳護趁水曲颿  
迴橋空去煙補瘦腕持竿颺蓮東蘋末茜絲無主倦曉  
闌頻拊殘攜手斷隄歸路鐙下又綰同心箇人暗覷

浣溪紗

三雅亭禊飲四闕

六曲闌干一尺波  
冶晴長是落花多  
吳娘水閣記聞歌  
惆悵柳邊新燕子  
振波雙尾剪春羅  
定巢無計奈來何

又

舊夢紅橋已十年  
浣花簾外掃晴天  
忍春難買是真憐  
柳色眉彎雙葉小  
二分愁思一分煙  
可人心月要無弦

又

得意晴枝嬾娜風收香才夠雨聲中稱人游願莫匆匆  
倚欄雕闌三十六碧波微蘸杏衫紅倩誰雙鬢唱東  
風

又

着酒船平意自安種荷池面土仍乾一般將息過春殘  
別是藏鴉楊柳徑軟萸濃翠不勝攀問伊花月幾真  
閒

玉樓春

纖鉤並握雲鬟側梯架小牕明未得酒魂濃與被香宜  
不道早鶯催喚別嬌攜倚帳柔萸澀莫設衝泥怕曉



滑陰晴底事五更來認取梨花牆外雪

高陽臺

對鏡撩花挑燈想夢畫煤難認芳標自在簾櫳淥波初  
染煙篙沈沈寒食梨明夜悄亭臺慢卷香潮誤年時隔  
雨樓低佇月廂遙蜀絃暗澀文園病賺鶻魂犯曉啼  
醒羸簫擡眼東風今番尙有紅橋浮花浪蕊慵相訊裏  
芳心只在櫻梢驗當初指印牕紅那角星寮

又

病酒

規曉疎櫺句晴縐幙帶人長是厭厭旅鬢惺忪暗牀絃

索空懸露房煙靨知何限黯倚牆臨水依然慙春歸帶  
眼頻移半臂慵添重簾怯捲甌波淺驀扶頭未醒簪  
墮愁邊竝袖攜樽記曾月下星前清陰側帽無慘極甚  
東風吹惱樊川認衫痕香色今番黯淡鑪煙

蘇幕遮

杏燕畫幘

定巢分風剪別第一銷魂難畫斜陽色露臉煙房深未  
拆樂檻單衣軟襯欹紅褶玉樓重珠桁窄雨溼慵飛  
故壘殘香並愁共好春無氣力可奈青旗尙隔煙村北  
添字漁家傲

仙山樓閣蘊空嶼似斗桃花吹落簷深處翦取白雲和  
夢養炊煙泣何人叱起東溟霧 縞夜有靈空傍汝么  
鳳騎來不隔溪南路溪上龍毛長尺許龍宮女珊瑚燭  
海迎郎去

買陂塘

文戰再北索居寡歡爲拈是解

問秋魂舊銷凡幾餘還今夜銷得籠鸚鵡怯鉛霜冷低  
影茜紗牕隔波一尺乍漲入空簾盪得愁心碧抽蕉換  
葉似去國情懷半隨帆卷檣共暝煙直 黃陵曉竹淚  
斑痕怨疊今愁濃似山積銀屏畫出天涯路宛在水亭



山驛舟待泊回別首秦樓已是湘雲隔題襟贈帕賸酒  
印模黏粉香淒艷不比趁時色

大酺

琴村簾席

換古簾情秋林簾蒸出天涯愁色西牕人話悄念江湖  
十平戰風驚飄泊破檻驚涼窺菱燕瘦容易旅魂消得  
江才誰能減數歸期漸減鬢絲青纈更歌罷湘離夜寒  
波迴眼蓬搖墨曲闌干幾折伫零露還記單衣歇正  
看取風搜玉軫花掩珠櫳內重深小眉奇絕悽送人行  
處似客裏初生蛾月況同是身如葉滄波新剪不殼雙

鷗浮拍綺愁共君暗疊

念奴嬌

舟夜

暝帆收影又空灣漸失更初漁火來櫓呖啞緣近浦恰  
趁鴈聲低和夢與衾孤霜爲蓬蔽瑟瑟燈如我岸鐘催  
起冷楓天外紅墮前度隔雨湘橈荷香初發釵帳微  
微彈枕上潮迴憑寄語怕被閒鴛聽破柳半無絲蘆乾  
少絮一片寒陰裏明朝分席白鷗煙際雙坐

離亭燕

湖汊寫望

穿過蘋鄉深曲添了數灣蘆竹屬玉幾行天外影恰趁  
蒲帆伸縮浦口斷相尋應伴漁娃雙宿 一轉一層波  
綠一望一重煙棹呼艇聞天收網處卻笑蘆中人獨何  
許接炊陰還飲三閒漁屋

憶舊游

記眉心月瘦顰角雲輕那日牕邊韻好經秋澹甚閒坊  
路熟喚馬移船夜涼並款鶯枕香裊渴龍涎況至喜心  
情相宜結束都稱山川 歸便泥人處悄拾罷牕茸薰  
舊爐煙特地紗衣換舊映宵新淡平襯酥蓮底事教吹  
雨月蕭冷竟無眠便夢好春遠桃花未必皆去年



又

鎖琴心鳳冷簫孔鸞孤怨曲清柔竹影惺忪地乍廊停  
響屨幌倦吟篝背匿自勾嬌嬌薰潤惱衾稠幕耐盡凭  
闌簾還隔水燈怯懸秋更休漸明處數碧障清陰開  
徧牽牛咫尺層城幻恁遞愁臆眼難遞迴眸幾許昨宵  
飛夢霜翠落蘋洲黯細數歡期牆東月上人過樓

木蘭花慢

舟中新月

怪天胡媚世朏魄偃小蛾顰鏡岸柳初黃仙梭倦洗滌  
釣忘吞蒼雯鎮誰招破薄昏黃指印越尖新傾感荒江

魂寂暫憑雲想留痕 湘君試黛一峯勾半面出精神  
抵沈魚落鴈凌波自遠何處腰身閒鴛鴦不寐暗消  
凝汀翠雨三分長共盟鷗曉白亮予雲水真真

金縷曲

湘舟擁被萬感如潮檢張南湖舍人雲驤芙蓉

賜傳奇倚此題寄言愁欲愁不覺江州淚澤矣  
傾夕愁來也正蓬牕衾寒酒醒岸鐘敲乍覓箇小鬟能  
記問君亦消魂子野恨不與迴燈開社露柳煙蒲昏暝  
極更替汀暗剪紅衣卸情漸老一檠地 蓉城歷劫傷  
心話甚流光因誰吟瘦烏闌低寫我自樊川傷鬢短從

向歌休舞罷只玉骨驚秋  
盈把湘渚盟鷗辜舊約  
驀鉛霜透入孤篷罅傳妙曲和應寡



定巢詞集卷四

變語詞

長沙程頌萬子大著

南歌子

試黛三分倦添香一頃慵曉開遲立鬢雲鬆吹絮何人  
偏慣柳陰風 瓦怯鴛鴦凍樓高燕子空斷腸春盡那  
關儂卻枉閒花還作去來紅

醉太平

苔痕半牆花魂半廊一鶯癡語斜陽說東風斷腸 羅  
輕袂長蟬低鬢香不曾來燕窺妝已春前換梁

又

羅衣繡紋簾衣翠痕去年花底溫存又今年斷魂啼  
鵲送春啼鶯勸人陰晴只是爲雲避東風夜分

點絳脣

隔岸垂楊柔絲綰住啼鶯小無郎也好白水門前繞  
幾曲煙波夢破鴛鴦曉湘江道客愁多少新漲平隄了

喝火令

浣紗仕女

隄窄難妨馬闌空半占花夕陽如網墮溪斜浸透一重  
簾子吹淚閣窗紗小影眉邊月啼妝臉上霞西施生  
小苾蘿家那日門前一樹柳陰遮寸寸柳陰驄路相望

抵天涯

浣溪紗

夢向紅樓那角尋翠簾深鎖一重陰背燈攏髻自沈吟  
底許鈴鐸還勝昔斷無消息又而今三生何處淫蘭  
襟

又

腸斷今年又一宵花枝依約隔簾招碧天如水坐吹簫  
鏡裏眉痕常似月酒邊心事恰添潮儂魂今夜不能  
消

又



玉瘦花涼月半弓  
寶幃香汗浸芙蓉  
隔牕嬌眼乍惺忪  
夜正朦朧時才過  
雨星微浪處卻疑風  
者回輕別似初逢

又

冷月空簾逗一絲  
夢迴剛是酒醒時  
人生那得不情癡  
記許心經爲母誦  
卻憑眉硯寫郎詩  
舊家風調自矜持

又

江上愁心一尺鬢  
頽雲堆作望夫山  
少晴多病耐春寒  
繾綣試量波作帶  
模黏只趁月臨彎  
但憑風信有無

閒

又

酒醒香銷睡未成  
玉壺銀箭已三更  
提鞞曾就落花行  
私約釧痕雙腕瘦  
乍偎簾影一燈平  
昨宵多困恰宜醒

又

花外春愁盪漾回  
柳邊殘夢渡江來  
笛聲吹醒玉龍哀  
隔岸飄燈樓一角  
繞隄穿漲樹千堆  
陰晴切莫忘流杯

又

夜雨空簾迴自愁衝寒深巷隔紅樓明妝消黯水沈柔  
不奈淺停銀鑿落可勝嬌倚鈿箜篌朦朧影事憶從  
頭

清平樂

綠波遙語兩槳人如鷺欲枉江風吹夢去卻被遠山闌  
住 山阿月子纖纖江頭客子年年行慣雲涯恨裏不  
知多少嘯鵑

又

綠陰如網迤邐莎平岸炊艇漁娃忘弄槳恁被東風徐  
蕩 嘯鵑只占殘春冷鷗偷笑行人那便一聞天與澹



煙流水孤村

長亭怨慢

舊作爲人竄入文  
道希集今重訂

漸飄盡相櫬煙雨。驚送春完。又催人去。燕外帆遲。遠風  
吹淚。墮南浦。日歸無準。暈幾日陰晴。誤茜雪。尙吹香。忍  
負了嬌紅。庭宇。延伫。悵暝黃。倚檻月暈。傍隘眉。無當  
初見。慣漫道。是等閒歌舞。念別來。葉葉春衣。已消滅。香  
塵非故。恁短燭。低篷空。自攤衾。愁語。

摸魚兒

自題填詞小照

忍飄蓬。少年才思。雲縑拚寫。僞憇江湖。夢冷樊川。鬢還

又阻風中酒相認否祇鏡裏秋眉越比春前瘦停杯感  
舊幾愁睡殷紅殘醪賸碧留暈徧襟袖 桐檝寂冷月  
虛籠半牖華牋低拂痕縐飄然一葉乾坤外流水斷雲  
何有吟望久怕夢倦還驚容易成髯叟耕煙故耦要笛  
韻簫洲簫聲白石來作畫中友

江南好

湘江好城郭帶江斜官柳渡頭朝繫馬估帆隄畔晚歸  
鴉水上有人家

又

湘江好樓閣隱高層白入空江三里霧紅搖半夜一痕

燈獨客畫闌凭

又

湘江好山水最清明曉起漁家貪曬網夜涼歌舫教彈  
箏人去遠峰青

又

湘江好帆樹岸邊齊鷗影白迷天外路鶻魂紅過夕陽  
西春漲恰平堤

又

湘江好風景最宜春魚買江村低論價酒沽山店薄能  
醺處處子規聞



又

湘江好風景最宜秋潮落千帆爭樹出江清雙鳥向人  
愁沈醉洞庭舟

菩薩蠻

夕陽捎上闌干角春人小立羅衫薄雙臉映池波別來  
倏慙多柳絲晴一剪困得纖腰軟低搗小桃紅玉釵  
簾底風

又

畫闌干外絲絲雨落花賺得人無主簾底二分春春愁  
占一分銀箏悽不語閒卻鴛鴦柱切莫教鸚哥揭籠

寒更多

百字令

德山訪亡友徐瑞屏墓

矮亭穿竹正騷心  
怵觸楓林淒緊曾記鞭絲蘭若晚側  
帽共探秋興  
鶴外琴孤蛩邊笛悄誰與吟肩並  
詩墳宵唱料量今月和影  
回憶試茗齋頭短甌提汲千古心  
如紆江海蕭寥林屋阻湖底魂通歸徑  
君爲浪處士經  
廬元儒謚渴黯澹松楸廢山泉流醖可能呼對長飲

月邊嬌

題馬湘蘭疏竹幽蘭圖

款署癸巳閏月有王伯谷題句初佩還須遇交

甫懷香正可贈韓生章臺翠  
袖妝臺筆葉葉枝枝盡有情

綃暈簾烘正孔雀庵深煙梢平  
委腕輕釧重香肥墨瘦  
低拂硯屏濃翠瀟湘遠恨懺夜雨珠櫳深閉如今舊苑  
賸數石支離寒水 句留碎玉聲中素心人在鬢絲憔  
悴寄愁紉晚單寒倚袖爭奈月明花脆騷魂甚處背豎  
外斜陽天咫靈縑尙黠識早春斑淚

唐多令

五月已如秋蠻天釀客愁  
恁瀟瀟雨上簾鉤夢醒三更  
聞畫角知此夕客邊州  
別淚漬衾裯溪泉未洗休記  
畫眉人在西樓腸斷猛尚江上水偏又是向東流



憶舊游

贈趙仲弼

記蠻江路窄，瘴國天低。四月來時，斗大山城裏，共西軒  
剪燭。憑話秋期，谿釐夜，搥銅鼓，催月到，杯遲但短闕。商  
量流年，歎詠愁鬢先絲。筇枝接園徑，更倚石聽泉對  
梔安棋。莫訝參軍語，祇共尋詩處。長在疏籬底，許夜郎  
邊，驛天放只容詩。趁側帽，嬉晴巖亭看泐銅柱碑。  
張太  
守會  
州銅柱亭銘

湘春夜月

別芳時透簾斜月微，醺記取小語衣邊分贈與。啼痕甚

處燕巢歸路正綺牕封斷樹接簷唇況燭偏檻轉匆攜  
黯省淒望含顰天然肖玉顏容鑑水流夢湘春畫琰  
茶初誰助爾硯凹餘滴搖盪詩魂邊秋瘴冷怕短書難  
寄朝雲待會日向燈前擁髻饒伊舊淚重濕羅巾

西子妝

波臉藏春煙眉鎖恨料得晚妝初卸闌邊月子正彎彎  
記年時凭肩清話簾鉤且挂甚風掠遲乾羅帕昵人前  
只破鬟慵整玉平作釵還亞憐今夜旅客蠻江夢度紅  
樓罅知卿擁髻不成眠掩梯扉漏闌燈爇奇香慣惹定  
添影銀屏如畫驚驚迴又是晨鐘過也

八聲甘州

中秋望月

過天荒古月集中庭山色四圍濃  
驀闌迴燭轉沈思露  
笛微響霜鐘灝氣潛收杯底寒透袂衣重飲罷閒聽簾  
竹影惺忪莫訝鴈行難度是亂崖千疊闌住西風肯  
素娥留照身世一芙蓉儼仙游空明水荇笑幾曾天上  
有蟾宮還輸我萬嬋娟地此膝能容

齊天樂

和韻題易中寶蘇臺夢語詞卻寄

江山瘦了才人骨輕衫不驚歸馬故館啼烏遺邱弔虎



空愴吳宮殘霸東風許借拓花外鷗天柳邊鷺社四百  
琵琶綺愁橫向曲中瀉酒邊依約俊侶問行藏甚處  
君子安雅舊管新招蘇臺仕女閒賸纖腰盈把誰歟聽  
者怕凍玉參差嫩晴吹啞夢迴蠻江夜闌尋舊話

百字令

馬孝鞠屬誤姬人澹薌墓誌勝之以詞

黃茅深瘴恁西風吹醒煙騷悲情回首當年輕俠事君  
亦詞塲無那霜急呼鷹林昏射虎壯志驚相左萬山圍  
夢倦吟渾被愁鎖遲暮況復天涯田荒玉碎追賦風  
懷可海上仙龕飄溷久評柳挽櫻誰和行處孤云競餘

流水空憶卿卿我若華鐫恨墨痕香印重沱

蘭陵王

郡署後園有花神祠悽愴所託爲文弔之徂秋  
告歸重酌以詞和清真韻

畫欄直逗出翠紅怨碧斜陽外低閃靈旗還帶西風斷  
魂色愁心裏羣國初識花應笑客鈴鐸影扶下素幃把  
月飄煙不盈尺香苔黯行跡悄拂水欹裳借檻鋪席  
流螢飽掠牆陰食只燭顛涼蕊網分斜幔秋魂飛過墜  
外啼又歸斷橋北孤惻桁塵積共倦侶蠻天香韻閒  
寂淒淒冷冷清清極賸樹杪蟬語乍聞簫笛花靈低首

似感我淚暗滴

買陂塘

題張小帆太守淵靜居圖

隔窗紗曲欄疏柳層層都是空綠書堂近繞三分水更  
帶二分修竹鷗未浴記散髮頻來簾捲朝初沐耕煙畫  
幅問三泖漁莊五湖蟹舍何似此中屋 邊州好記撤  
官蓮院燭養堂憑占清福茶甌藥裏渾閒課日日臨流  
濯足鷺去谷待買箇溪山添箇人如玉攜兒喚僕便柱  
杖林邊題詩石上看畫遠山麓

清平樂



風斜雨小白卷疏簾悄滿地綠苔慵不掃牆角一枝紅  
蓼山齋易到黃昏藥鑪經卷相溫不似去年今日有  
人低映中門

惜紅衣

秋眉

月替妝慵煙欺燠重早涼無力瘦減春嬌曾窺倦螺碧  
殘萼悻悻渾不稱弓彎顏色私憶珠露夜明誤初三消  
息顰歡忍別山際芙蓉傾愁向斜日重匿待掃帕粉  
幻霜迹黛語酒邊飛到恐有鴈兒知得待護他蛾翠私  
笑鏡中誰白

齊天樂

秋鬢

霜絲替鑷花前影阿平郎病餘情緒碧映鈿雙青濡鏡  
小齊刷鸞篋低處憑肩泥語驀簪住秋痕菊叢微雨掠  
罷妝瀟杜娘身世黯如許文園空對素軫歎春風易  
老香薄吹霧唱斷蟬聲撩殘夕照贏得閒愁千縷瑤釵  
墮處怕眉向簾鈎化煙飛去短榻清吟夜涼搔更苦

月華清

秋魂

膽小妨螢蹤潛追蝶被風招到深宇冉冉隨郎甚處覓

伊歸路乍記起蟋蟀簾櫳渾忘去了鳳凰窗柱無語恁  
苔鬆竹脆那般酸楚莫更闌干澹伫任幾箇詩靈就  
花來去不畏蛩唬只怕曉鐘驚汝顛荒煙籬角殘枝避  
冷露樹陰纖步迴顧待留他月子替秋爲主

水龍吟

秋影

一絲裊斷空濛層層隔住鞦韆徑將明半滅乍晴還雨  
欲覓無準碧牋帘垂黃餘葉褪顛愁低認把闌干相徧  
簾櫳倚徧徐添上羅衫印消息斜陽無定怨靈蛛綰  
成煙暝遮來不斷移來纔轉數重紗映立盡楓人擎殘



橘婢玉繩初旦又羅雲冒樹扇颺敲竹助今宵冷

翠樓吟

秋病

冷黛攢眉嬌黃褪靨羅幃倦卧清曉秋花扶瘦影問肺  
怯鑪香何料歡期遲好鎮一味慙慙含曉慵笑離魂稿  
晚蓉牆角一枝紅了生小春半香桃刻豔思瓊骨已  
涼誰到玉顏憑藥轉也羞握雙菱低照簾衣風峭謾療  
得愁心階前丹草催人惱支頤紅淚鴈啼霜早

望湘人

秋卜

慙慙香拜月庭窵見星小樓人在何許古碧攤錢瘦紅  
記豆慣惹悲秋閒緒恨彈眉稜事纏心角流年催羽倩  
紫姑雙判佳期十萬仙逋須貯迴立雕闌墜露又明  
初盼到玉蟾三五祝釵螭雙飛未過指尖輪處語婢挑  
燈甚時花再瘦勝東籬黃蕊怕曉起旋瓦微霜鵲報歸  
占仍誤

天香

秋袞

香貼鸞濃愁偎鳳小新涼昨夜初試簟暈燈移枕凹棉  
薄孤黯綺櫳情思霜空月皎裏玉骨珊珊眠未嬌比花

定巢詞四

黃易醒輕翻浪紅慵起  
魂銷嫩寒似水更鋪排合歡  
茸剔繡滿折枝蝴蝶已乾雙翅不道秋來搵淚卻有夜  
無明戀伊睡好夢頻番恁能瞞你

綠意

秋簾

玉肌晚沁似翠簾不捲平貼波影恰好初涼慵熨紗衣  
方錦象牀低襯湘妃忍漬眠時淚有點點斷紅斑認記  
貪歡一晌留郎卻怪漏闌清冷轉側痕酥半體背人  
暗自省如招纖印特地商量換了龍鬚驀近中秋時分  
江干筏舫依然載是作就女兒箱牘怕倩魂蘭夜冰銷



帳外燭花低晒

桂枝香

秋闌

低層記字又勒住斜陽句人情思窄檻彎環底印兒餘  
苦翠香朱成碧深重隱哭流螢越防飛至箇儂行處半  
身遮斷夾紗衫子料不是慵扶倦倚是憊了西風吹  
病簷底十二周遭不見那回雙髻柳絲瘦搭僂依在  
星辰昨夜如此淺廊霜抹莫憑偎捻海棠紅淚

高陽臺

秋屏

熏鴨香圓輕蛾粉貼曲房遮斷難尋敵住霜威不教移  
入簾陰沈沈十二迴環影認眉山瘦卻秋深驀題詩六  
扇琉璃墨黦香侵珠塵易複巫峯路又涼生怨隔拋  
剪尋針裏外分明夜來微逗琴心那回潛聽鴛鴦浴卻  
迷藏悄地悄悄畫瀟湘十幅無多水墨雲林

淒涼犯

秋帳

垂羅四角煙颿罨撩人自剪紅燭鈿鉤拂響芳醒漸解  
睡情涼熟吹香斷續擺攪珞攢成彖曲影宵闌燈花恨  
簇斷夢妒冰穀  
釧語迴身處幾箇涼蚊伴他幽獨九

華夢掩莫驚醒枕啼紅玉繡額低懸悵魂阻層紗舊綠  
料獨眠此文不許上翠褥

八聲甘州

秋蕭

黯涼螢孤閃傍樓陰低黏又飛還鷺回頭咫尺瓊牕暗  
寫便抵蓬山露冷眞箇遲挂斜月透衣斑窄地花枝影  
兒上嬌鬟嫩水花黃比似且貪垂銀蒜不許儂看黛  
眼波流俊隔那日湘潭盪風迴一釣殘玉正并梧飄葉  
遊空闌料鷓鴣倚櫳偷覩好語頻瞞

過秦樓



秋扇

蛻翼裁霜比箇量月素手悄攜庭院分香暗許袖底涼  
颺恰障斷紅雙臉空自畫了桃花贏得西風者回腸斷  
笑癡螢不避兜迴闌角幾星頻顫空付與漢製紈勻  
湘斑筠滑卻在鈿牀東畔泥金小字曾倩儂書半拓繡  
鴛盈面誰信團團爲伊指向秋深流年偷換記青鸞曲  
散何處花邊酒滿

念奴嬌

秋衫

酒痕偷澆又淚痕淹透深重愁色杏子單紗絲易損雙

手爲伊親疊褪卻媽紅湔來慘綠病了黃花節竹陰閒  
伫忍教篩上明月誰料瘦損腰圍渾難瞞過梳柳青  
綾褶籠際餘香薰未減卻又西風吹徹記得砧餘小蠻  
初熨金鈕量寬窄爲渠頻典俊游年少詞客

定巢詞集卷四

十髮居士全集

定巢詞四

左

鹿川閣

YORK UNIVERSITY

JUL 03 1966

EAST ASIAN STUDIES

知不足齋叢書

三

月

日





